

آبونه شرائطی

داخلی، خارجی، مریر ایچون
سنه لکی (۲۵۰)، آلتی آیلنی

(۱۳۰) غروشدر .

نسخه سی ۵ غروش ،

سنه لکی ۵۲ نسخه در

اداره خانه

باب عالی جاده سنده دائره مخصوصه

اخطارات

آبونه بدلی پمیدر

مسلكه موافق آثار مع المهنونیه

قبول اولنور . درج ایدلمین

یازیلر اعاده اولونماز

والله یهدی من یشاء الی صراط مستقیم

محمد عاكف

اشرف اویب

اتبعون اهدکم سبیل الرشاد

سیرت ایلک

سیرت ایلک

دینی ، فلسفی ، علمی ، ادبی ، سیاسی هفتعلق مجموعه اسلامیه در
صاحب و مدیر مسئول
باش محرر

اخطارات

ادرس تبدیلنده آیرجه بش

غروش کوندر لمیدر

مکتوبلرک اضالری واضح

واوقوناقلی اولسی و آبونه صره

نوعروسنی محترمی بولسی

لازمدر

ممالک اجنیه ایچون آبونه اولنلرک

آدرسلرینک فرانسزجه ده یازلسی

رجا اولنور

پاره کوندردیک زمان نهیه دائر

اولدینی واضحاً بیلدیرلسی

رجا اولنور

صاقلامش اولیورلردی. فقط جناب حتمك هر نه ایشاهه لره، ایشاهه دکلری
هانکی رنکه بویاسه لر هپسنه مطلع اولدیغندن غفلت ایدیورلردی .
ایشته بونلر شهوات نفسیه لرینی تطمین یولنده اوامر ربانیه یه عصیان
ایچون برطاقم حیل شیطانیه یه مراجعت ایدرک بوحیله لرك اللهم نظر
ندن ده قاچه جغنی تخمین ایتدیلر. عامه یه تعالیم دینیه یه مخالفت ایتدکلرینی
کوستره رک بالق اولامق ویمک ایچون درلودرلو شیطنلر ایجاد ایدیور،
بعضیلری صویک مجراسنه دلیکلی برسد چکدرک بوسدک ایچنده محصور
قالان بالقیری طوتیور و براعتراض واقع اولنجه: «خایر بز بالق اولامدق.
الرمزله طوتدق» دیورلر؛ یاخود دها باشقه یولره صابه رق عینی
نتیجه یه دسترس اولیورلردی .

واقعا بونلر هر کسی آلداتمده ، هرکسک کوزینی بویامقده موفق
اولدیلر. فقط بویله یا عقله نزد آلمیده برشی قازاندیلر می ؟ بوکی حیل لره
مراجعتله آرزولرینی ، شهوات نفسانیه لرینی تطمین ایتدیلر . فقط
اللهک عقابندن قور تولدیلر می ؟ بوچیرکین عصیانلرینی نظر آلمیدن
صاقلایبیلدیلر می ؟ اصلا . بالعکس یابدق لرینک جزاسنه اوغرا دیلر ،
ذلت وحقارته محکوم اولدیلر .

جناب حق بونلره دوغرو یولی کوستردکدن ، حیلنه ک شفاف
اورتولریله اورتونه رک طریق مخالفت صاباملرینی امر ایتدکدن صکره
سبت کونلری بالق طوتاملرینی امر ایتمکه اونلری تجربه ایتشدی .
فقط بونلر شهوات نفسانیه لرینه مغلوب اوله رق مواهب عقلیه لرینی
دینلرینک دائره تکلیفندن چیمقده استخدام ایتدیلر. ایشه بونک اوزرینه
جناب حق بونلرک انسان کی دوشونه رک، طاشینه رق عقل سلیم انسانینک
مقتضیاتینی یاپانلردن دکل، مایمونلر کی قارشیدن عقلی کوروندیکی حلاله
بر حیواندن عبارت و بوتون مهارتی تقلیددن باشقه برشی اولیانلرک
عدادینه ادخال ایلدی . بویله جه بونلر کندی نفسلری ایچون قبول
ایتدکلری درکه یه ایندیلر. آرتیق انسان عاقلک صفت کاشفه سی اولان تفکر
وتقلدن تبری ایدرک بشقه لرینک افعالی تقلید ایله اوکا بکزه مکدن
بشقه دائمی ذلت و مسکنت ایچنده قالان حیوانلرکی اولدیلر .

شریعتک حرمتی هتک ایدرک تعالیم دینیه یی استخفاف ، وعلام
غیوبی استغفال ایتنه ک جزاسی اوله رق بوفلا کته دوچار اولدیلر .
بونلرک اثرینه اقتفا ایدرک اللهم بخش ایتدیکی مواهب ربانیه یی تعطیل
ایدنلرک ده جزاسی بودر . بوکیلرک هپسی ذلیل و مسکین مایمونلردر .
بشقه برشی دکدر . انسانیت نامنه بونلرده انحق انسان صورتی
وشکلی واردر .

ایشته بونلرک مایمونلقلری بودر . ذلنلری ایسه انسانلق پایه سندن
اینه رک آرتیق انسانلق سویه سنده یا شامامنه استحقاق کسب ایتلیردر .
آیت کریمه نک بزجه تاویلی بویله در . بعضیلری آیت کریمه ده کی
«کونوا قردة» امرینی امر تکوینی عد ایتشاردر . حالبوکه مقصد
اونلری ، آرزولریله ، اراده لرلیله کندی نفسلری ایچون قبول ایتدکلری
درکه یه تنزیل ایتک : بونلرک قدرت تصرف ، تفکر اعتباریله انسان

دکل ، شوکا بوکا بکزه مکه چالیشان مایمونلر کی اوللیردر . قرآن
کریمه بونلرک صفتی بودر .
«مجاهده» دیرکه : بونلر مایمون مسخ ایدیلدیلر . بوجناب حتمک
اونلره ایراد ایتدیکی برمثلدر . وینه مجاهددن روایت اولنیورکه : بونلرک
قلبلری مسخ اولمش ، مایمونلرک قلبی کی و اعظ قبول ایده جک ،
نواھیدن اجتناب ایده جک حالدن چیمشدر . مجاهدکی بیانی بز مایمونلرک
آیرلامقده در .

بوآیت کریمه ده متقیلمه بیسوک بر عبرت واردر . حدود آلمیه یی
تجاوز ایتماک ؛ نواھیدن ، منکر آندن اوزاقلاشق لازمدر .
هیچ شهه سز علما و ائمه اسلام هرکسدن زیاده بوآیت کریمه دن ؛
ظاهراً اللهم آلداتمق ، باطنا اونکله محاربه ایتک یوزندن بی اسرائیلک
باشنه کلن بوفلا کتدن عبرتین اولمیدرلر . حالبوکه بونلر بی اسرائیلک
یولنی طوتارق حیل لره مراجعتله بونلری دینک تعالیمی میانه ادخال
و «حیل شرعیه» نامیله برچوق فصللر یازمشلر ؛ بوحیله لر ی برطاقم
زواللیرله تلقین ایتشاردر . شریعت ، بوکی شیلردن بری در . بونلر
اویله شیلر یاپیورلرکه بردانه سندن طولانی جناب حق بی اسرائیلی
تعذیب ایتشدی . کندینه علمای اسلام سوسی ورن بومدعیار اللهم
حقیله بیلسه لر ، حقیله تقدیر ایتسه لر دی قطعیاً بویله صابمازلردی .
جاهلر ، غافلر بوآیت کریمه دن اوتانسینلر . حیل پرده سی آرقه سندن
الله اعلان خصومت ایدرک شهوات نفسیه لرینی تطمینک ماقبتنی تأمل
ایتسینلر !

بز بوحیله موضوعه تکرار دونه جکر .

عبدالمزیز چاویش

وها بیلک

۴

افاضل علمای اسلامیه دن شیخ الاسلام حیدری زاده ابراهیم افندی
حضرتلری طرفندن مقدما یازیوب مسلسلاً نشر ایتمکه اولدیغیز مقالانک
دردیجیسنی ده بوکون نشر ایدیوروز . بومهم مبحث دینی برقاچ مقاله دها
دوام ایده جکدر .

مع مافیه کرک محمدک ، کرک محمدک بر قدرت مهمه اجرائیه سی
مقامنده بولنان امرای آل سعودک ایسترا اهل سنت و جماعتدن ، ایسترا
سائر فرق اسلامیه دن اولسون ، کندولرینه مخالف اولانلری بالتکفیر
نصوصی ظواهره حمل ایله شرع شریفک بودرجه ده تشدیدینی امر ایتماش
اولدینی برطاقم مسائله لزومندن زیاده غلو ایتدکلری کی ، اوچنچی
مقاله ده بیان اولندیغی اوزره مذهب وها بیلک طعن و قدسی جهتی
الزام ایدن اووقتک نجد علماسی ده ایلری کتدیلر . اوت ، ابن تیمیه
ایله ابن قیم دخی محمدک موجب تکفیر عد ایتماش اولدینی افعالی شرک

ہری دہ حضرت پیغمبرک امام عمرہ خطاباً (لا تسبانا یا اخی من دعاک) عبارہ سبیلہ واقع اولان التفات رسالتناہیلریدر . بومعاملہ اجابت دعا ایچون نزد الہیدہ طلب توسلک شرعاً ممنوع اولدیغنی بیان دیمکدر . یوقسہ جناب عمرک بویادہ توسل عالی حضرت پیغمبری بہ محتاج اولمادیغنی وارسنہ اشتباہدر .

بومسئلہدہ بین العلماء الک زیادہ بحث و مناظرہ فی انتاج ایدن ، متقدمین و متأخرین علما آرسندہ بر جوق مناقشاتی داعی اولان (لائشد الرجال الا الی ثلاثة مساجد المسجد الحرام و مسجد الرسول و مسجد الاقصی) حدیث شریفیدرکہ بوحدیث شریف حقیدہ جریان ایتمش اولان تدقیقات علمینک بیاتی دہ واجبہدن عد ایتدک . علمادن بعضری افراطی التزام ایدوب بویادہ کی ممنوعیتک حکمنی عام قیلہرق وهدف حرکتی غائب ایدرک شد رحالی صورت شدیدہدہ انکار ایتمش ، بعضری دہ تفریط جہتہ کیدرک زیارتدن منع ایدہنی تضریر و تبذیرہ قدر کیتمشلردر .

حدیثک خلاصہ مؤداسی مساجدثلثہک غیری محلہ زیارت ایچون اختیارسفر اولمسنک منہی اولدیغندن عبارتدر . (رجال) جاء مهملاً ایله رحلتک جمعی اولوب دودہک اگری دیمکدر . بوکلہک سفر معناسی افادہ ایتسی اکرک سفرہ لازم اولسندن ناشیدر . دودہک سفر ایچون محصص بالذکر اولسی اوزمانلر سفرک عزبستاندہ اغلیتله دودہ ایله واقع اوله کلدیکنه منیدر . آت ، استر ، مرکب بیندہ فرق یوقدر . شیخ ابن حجر العسقلاینک (فتح الباری عن صحیح البخاری) نامندہ کی کتابندہ بیان بیوردقلرینہ نظراً حدیث شریفدہ (الا) حرفیلہ واقع اولان استتنامفرغ اولوب بو تقدیرہ کورہ مساجد ثلثہدن ماعدا ہریرہ زیارت ایچون شدرحال ممنوعدر . زیرا مفرغدہ کی مستتنامنہ اعم العام ایله مقدردر . مع مافیہ بورادہ کی عمومین موضع مخصوصک یعنی مسجداک مراد اولمسنی دہ ممکندر ، دیور . بومساجدک مساجد سائرہ بہ تفضیل اولمسنک اسبابی برحیسنک جمیع ناسہ ، ایکنجیسنک ام سالفہ بہ قبلہ کاه اولسندن ، اوچنجیسنک دہ اساس تقوی اوزرینہ بنا اولمسنک نشأت الیکدہدر .

اصل اختلاف حال حیات ، یاخود حال بماتدہ بولنان صلحتک زیارت وتبرک قصیدیلہ بعض مواقع مقدسہک زیارتلریلہ آنلردہ نماز قیلحق ایچون شدرحالک جائز اولوب اولماسندہدر .

شیخ ابو محمد الجوینی ظاہر حدیثہ بنای اجہاد ایله «زیارت ایچون مساجد ثلثہدن غیری محلہ شدرحال حرامدر» دیور . قاضی حسین بومسلکی اختیار ایتدیکی کی ، قاضی عیاض دہ بورایدہدر . اصحاب سنک زوایت ایتدیکی اوزرہ ابوہریرہ برای زیارت طورہ چیقمسندن طولابی نصرت غفاری طرفدن بوحدیثہ استناداً تحطہ ایدلشدر . حتی نصرت ابوہریرہ بہ «طورہ چیقمکزدن اول سزہ یشمش اولسیدم چیقمیہ جقدک» دیمشدر . یعنی مشارالہ حدیثی عموم مواضعہ حمل ایتمش ، ابوہریرہ دہ کندیسنہ موافقت ایتمشدر ، دینیور اما ، امام

نوعدن عد ایتمشلر ایندہ مشارالہمانک بوندن مرادلری (شرك اصغر) دیمک اولوب ، یوقسہ (ان الله لا یغفر ان یشرک بہ ویغفر ما دون ذلك) آیت کریمہسندہ مذکور اولان (شرك اکبر) دکلدر .

زیرا جناب حقک مغفرت ایتیمہجکی شرک اکبر دین اسلامدن چیقمق دیمکدرکہ اصنام ، یاخود آتش ویا صوکی شیلزہ عبادت ایله مخلوقادن بری خصائص ربوبیتدہ جناب باری تعالی بہ شریک ونظیر اتخاذا ایتمکدن عبارتدر . بوکا (شرك جلی) دخی دینلور . اما (شرك خفی) کہ جناب حقدن غیری بہ التفات دیمکدر ، نوع بشر بروقتدہ بوندن خالی اولمز . رسل و انبیای عظام حضراتی شرک جلیدن مبرا اولدقلری حالہ شرک خفیدن تخلص ایچون جناب حقہ تضرع و نیاز ایدہ کیشلردر . ابراہیم واسماعیل علیہما السلامک (واجعلنا مسلمینک) و حضرت یوسفک (توفنی مسلماً) دیو دعادہ بولملری بومعناہ عمولدر . الحاصل شرک خفینک انواعی اولوب (افرایت من اتخذ الہہ ہواہ) آیت کریمہسی اقتضاسنجہ نفس وشہواتہ اتباع ایتک برنوع شرک خفی اولدیغنی کی ریا دخی شرک خفیدر ، عملی البطل ایدر ، دیرلر .

انجق «مراہیلر ہب کافردر» دبیہ «دملری ہدر وماللری خللدر» سوزینی ہیچ برکیمسہ سویلہ من . فقط علمای اسلام «شمس ، قمر ، کوکب ، صنم کی الہ اتخاذا اولنان شیلزہ سجدہ ایتک کفردر ، دیدیلر وبونلردن بشقہسینہ سجودی کبار محرماندن عد ایتدیلر . بو مقولہ معبود اتخاذا اولنان شیلر ایچون قربان کسمک کفر اولدیغنی بیان ایله برابر لغیراللہ ذبح ایتک وتربہ لرد نذر ایتک کی افعالی بعضیار محرمات بابتدہ ذکر ایتدکلری کی تربہ لردن تبرکاً طویراق آلمغلہ اطرافسندہ طواف مثللو شیلری دہ بعضیلری مکروہات بابتدہ بیان و ایراد ایتمشلردر . بواجہادک الکفنا نقطہسی بومسئلہنی انبیای عظام حضراتہ قدر تشمیل ایتلمندہدر . آنلری بواجہادہ سوق ایدن (اشتد غضب اللہ علی قوم اتخداوا قبور انبیائہم مساجدا) حدیث شریفیدر . حال بوکہ حدیث شریفک مؤداسی اصنامہ سجدہ ایدر جہسہ نیلرینک قبرلرینہ سجدہ ایدنلرک حقلمندہ غضب الہینک مشتد اولہ جفی مرکزندہدر . ابن تیمیہ ائمہ سلف ، انبیا و صالحینک قبرلری یاندہ دعا واستغفار دہ بولمازلردی . «دیور . بواینسہ روایات صحیحہ ایله مردوددر . ابن ابی شیبہک روایت ایتدیکی اوزرہ حضرت پیغمبرک ہرسنہ باشندہ احد غزویہسندہ کی شہدای کرامک قبرلری یانہ کلوب (السلام علیکم بما صبرتم فم عقی الدار) آیت کریمہسنی ذکر یورورلردی . اہل سنت و جماعتک شافیہ و سائرہ بہ منسوب علمای اعلام حضراتی زیارت قبوری تجویزدہ مطابقدرلر . امام نووی «زیارتی اکثر ایتک و فضیلت اخرویہ اصحابک مزارلری باشندہ مکث وتوقف ایتک مستحدر . «دیور . امام سبکی دہ بواجہاددن طولابی ابن تیمیہنی تحطہ ایدیور .

اخیار ایتک قبریتلردن بالاستفادہ جناب حقہ قارشو وسیلہ . استشفاع اتخاذا اولملرندہ بر محدود شرعی اولدیغنی اثبات ایدن دلائلدن

الحرمین ایله سائر ائمه شافعیه کوره اشخاص و مواقع مقدسه بی زیارت ایچون شدرحال حرام دکدر. بونلرده حدیث شریفی وجوه ایله تأویل ایدیورلر :

اولا : زیارت ضمننده واقع شدرحال دن متحصل فضیلت تامه نك مساجد ثلثه یه منحصر اولدینی ، ثانیاً : نهی واقفك مساجد ثلثه دن غیرى محله نماز قیلمنی کندی اوزرینه نذر ایتمش اولان کیمسه یه منحصر بولندینی ، بویله برنذری ایفا مقصدیله مساجد ثلثه دن ماعدا محللر ایچون شدرحال جائز اولدینی ، بناء علیه برصالحك ویا قرینك ، یاخود برصاحب علمك زیارتی ، یاخود طلب علم ، یاخود تجارت ویا اجرای تنزه فکریله واقع اولان شدرحالک نهیک حکمنه داخل اولیه جنی رأینده بولنیورلر .

برروایت نظرأ احمد بن حنبل حضرتلری ده نهی واقفك صلاته راجع اولدینی رأینده در . یعنی صلاة ایچون بواج مسجودن غیرینه شدرحالی تجویز ایتمشددر .

بعضیله نجه ده حدیث شریفدن غرض و مراد ، مساجد ثلثه دن غیرینده اعتکافك عدم تجویزیدر . بونلره نظرأ برآدم بواج مسجودن بریننده اعتکافی نذر ایدر ایسه بویله برنذرك ایفاسی اوزرینه لازم اولور . امام مالک و شافعی واحد حضرتلری ده بورأیده درلر . فقط ابوحنیفه حضرتلری مطلقاً واجب دکدر ، دیور .

کرمائینک روایتته نظرأ بومسئله حقه و قتیله سوریه ده بر چوق بحث و مناظره جریان ایتمش ونتیجه سنده فخر عالم افندمك قبرلرینک زیارتی ایچون شدرحالی تحریم ایتمش اولانلر الزام ایدلشدردر . واقعا امام مالک حضرتلری برآدمك « پیغمبرك قبرینی زیارت ایتدم » دیمسنی مکروه عد ایتمش ایسه ده بوبایدکی اجتهادی زیارتته تعلق ایتیموب پیغمبرله زائر آره سنده نوعاً مساواتی احساس ایتمکده اولدیغندن ناشی مخالف ادب عد ایتمش اولدیغندن نشأت ایلکده در . بوده محققینک تحقیقاتلریله ثابتدر . حضرت رسول کریمک زیارت قبرلری مشروع و فیوضات و مادیه و معنویه ایچون وسیله استشفاع اولدینی اجماع امتله ثابتدر . همه حدیث شریفی بشقه صورتله ده تأویل امکانی مفقوددر . چونکه (الا الی ثلثه مساجد) عباره سیله واقع اولان استناده مستثنی منه مخذوف اولدیغنه کوره او مخذوفی یا برلفظ تام مراد ایدمکجه کزکه بوضووته کوره حدیثک معناسی « هانکی بر ایشدن طولایی اولورسه اولسون مساجد ثلثه دن غیرى هیچ بر محله شدر حل اولنیه جقدر » دیه جکز ، یاخود حدیث شریفی محققینک تحقیقاتی وجهله صلات ایله تأویل ایدمکجه . برنجی صورتک امکانی یوقدر . چونکه او حالده تجارت ، صله رحم ، طلب علم ایچون شدر حالک جائز اولماسی لازم کلور . بویسه اوله مز . او حالده مسئله ایکنجی شقه انحصار ایدرکه حدیثدن مقصدک صلات اولدینی جهتدر . بوندن بشقه (من زارنی و جنبت له شفای) (کنت نهیتکم عن زیارة القبور الا فزورواها) حدیث شریفلری ده بوبایدکی حقایق شرعیه بی صراحة کوسترر .

دیگر مقاله لرده ده بیان اولدینی اوزره بعض عوام ناسک قبور اولیایی حین زیارتلرنده اجرا ایتمکده اولدقلمی برطاقیم مراسمله او مزار حقه ده بولمکده اولدقلمی اعتقاد شایان قبول دکلسه ده بونکله برابر بوقیلدن اولانلرک اکثرینده جناب حقندن بشقه بر کیمسه ده بر قدرت مؤثره نك موجود اولدینی اعتقادی متمرکز اولدینی ده جای اشتباه دکدر . شو حالده بویوزدن بر اسلامک تکفیری جهته کیتمک غایت خطرناک بر مسئله در .

محمد بن عبد الوهابک منع ایتمش اولدینی شیلردن بری ده اولیای کرام حضرتلرک مزارلری اوزرلرنده پاییلان یالیزیلی و مزین قبه لردر . ذاتاً بوکی شیلرک عوام ناسک اعتقادلری اوزرنده برسوء تأثیر اجرا و فتنه یه سببیت ویره جکندن ناشی فقهای اسلامیه جهده مکروه عد ایدلشدر . محمد بن عبد الوهابک اجتهاد نجه توتون استعمالی ده محرماندندر . بوبایدکی اجتهادی ایسه بوکا قائل اولان بعض فقهانک آثارندن مأخوذدر . کرچه بوباید بین العلمما بر اختلافک موجود اولدینی معلوم ایسه ده اولا توتونک حرمتی حقه نص وارد اولدینی ، ثانیاً اشیاده اصل اولان اباحه اولدینی جهته حرمتی جهته کیدیله مز . زیرا دلیل حرمت موجود دکدر . تحریم ایسه دلیله محتاجدر . قیاس طریقته ده کیدیله میه جک . چونکه قرن رابندن ، بلکه ده اواخر قرن ثالثه دن اعتباراً اوصاف اجتهادی حائر ذوات یتشه مدیکی امور معلومه دندر .

تحریمه قائل اولانلردن بعضلری توتونده خاصه اسکارک موجود اولدینی ادعاسنده ایسه لرده بوادعائک اصلسز بر مکابره دن عبارت اولدینی استعمال ایدنلرجه خفی دکدر .

الایمان بضع وسبعون شعبه . . .

۲

دین اسلامده اعمال حسنه نك نجات و نجاتی مستلزم اولدینی معلوم اولغله برابر بواعمال حسنه یه مقابل کوردیکی و کوره جکی ایلیک و مکافاتلری قطعاً کندی عملنه عطف ایتیموب آنجق لطف و توفیق الهی نتیجه سی اولدیغنه اعتقاد ایتمکده لازمدر . زیرا انسان نقدر اعمال صالحه ایشلرسه ینه خالقنه فارشی بورجلی اولدینی عبادتی و نائل اولدینی نم لایحصانک شکرینی حقیله ادا و ایفا ایدم مز . ایکی جهتدن قولک قصورسز اولسی پک مشکل بولنسنه منی الله طرفندن مکافات و مشواته نائل اولدیسه جمله سنی عنایت و لطف خدا بیلیمی لازم کله جکندن مسلمانک دائماً اعمالک عندالهیده مظهر قبول و حسب البشریه خالی اولیه جنی تقصیرا تنکده مفقور اولسی و دنیوی ، اخروی سعادتله نائلیتی ایچون جناب حقه رجا و دعادن خالی قالماسی اقتضا ایدر . اکر بوخوف و رجا اولسه انسانک خالی پک خراب اولورایدی . چونکه قبا صوفیلر مجرد اعمالنه کوونسه عجب و عظمته دوچار اوله رق دنیا و آخرتده گرفتار خسران اولور . کنساهرکارده رجا ایله عفو الهی یه نائل اوله بیله جکنه امیدوار